

國

朝

畫

識

國朝書識

方外二

卷之十五

王正國

李樸

施政

顛道人

榮漣

俞桐

魏瓠

徐世揚

王彰

沈乾定

國朝畫識

方外二

南漚馮金伯治堂纂輯

嘉善王點超輩村參訂

王正國

王正國一名舜國號桂宮居士金陵人國初爲朝天宮道士善畫有吳小仙筆意好飲求畫者多以酒飲之醉輒作畫立盡數十紙嘗於隣屋白板上就木節作晴畫一龍去一夕大風雨板上龍已失所在木節空洞如鑿凡所繪龍一時俱成素幅後以患痢死遺

矢治病如神人謂其仙去矣

蔗塘外集

吳東壁王道士畫龍歌朝天宮裏老居士曾走方壺
探弱水收拾靈恠入筆端先學小仙後道子等閒不
肯輕揮毫不稱神畫稱酒豪求畫定載一石酒一斟
一酌心陶陶酒酣興發重引滿左執酒杯右執管工
紙萬紙頃刻成牛鬼蛇神恣怪誕

金螯集

李樸

李樸字天木號雪齋郡人幼與施亮生同受異人金
丹火候性命宗旨精熟紫清洞元秘法年四十餘辟

穀晝夜不眠與人語隨機開示使之了悟善詩畫亦工書法順治乙未挂瓢於用直里之圓白堂庚戌秋夢青衣謂曰上帝召汝遂凝坐而化學者謠爲冲夷先生

陳惟中甫里志

紫中道人居朝真觀靜修二十年得徐河輝之傳又寄興揮染妙絕一時常住來東湖甫里間人多築室以居康熙九年卒于郡城紫微菴

吳縣志

施政

道士施政字正之初畫蘭竹後摹黃上峯吳仲圭兩

家山水圖繪寶鑑續集

顛道人

顛道人江寧人流寓揚州醉後作畫任意揮灑山水花木皆有奇趣人問其姓名不答因呼爲顛道人後見乞其作畫者漸多遂去不知所終或曰道人姓胡畫徵錄

榮漣

榮漣字三華少孤多病母命入明陽觀爲道士爲人淳古簡直善畫亦能詩徧游名山所至以詩筒畫笥

自隨落墨人輒珍之漣事母至孝在外得珍玩良藥
悉藏弄持以獻母倦遊歸養晨昏依戀繞膝如嬰兒
母沒廬墓不復出邑士大夫其往迎漣築室錫山之
顛以居之漣鑿池其中繞麓植梅花名所居亭曰香
雪社翰林杜詔與漣及僧妙復結世外交號九峯三
逸而漣尤以孝義見重

無錫縣志

俞 桐 桐園妙觀道士

俞桐字秋亭長洲人秋亭以病入道隱於畫餘事成
詩取自然不求工也趙秋谷每賞之

歸愚詩傳

魏浮尊

魏浮尊名瓠住蘇州西道院沈歸愚詩云虞山畫師
獨徃客五岳經行一笻屐歸來潑墨掃烟雲胸次山
川有誰敵晚年倦作諸侯賓筆牀茶竈移吳門升堂
弟子有數輩誰其秀出有浮尊浮尊道人餐霞子谷
神養就長不死愛將餘事弄丹青山是真山水眞水
尊前示我海嶽圖方丈蓬壺乍有無泰岱松雲落几
席蠶叢殘雪寒肌膚恍然坐我烟水窟獨徃精神呼
欲出殷勤爲我寫幽居酒罷看君重落筆草堂繁近

館娃宮野店山橋處處通疎鐘杳杳傳雲外嵐翠重
重落鏡中故園如此不棲宿馬蹄空踏京塵紅知君
畫意通窈渺風我還山讀書好青鞵布襪逐仙翁林
屋相將拾瑤草

歸愚詩鈔

徐世揚

道士徐世揚字竹亭松江人長水墨人物花鳥騾馬
山水亦輕秀

今畫偶錄

王彰

王彰字嘉言號蘭臯住吳江純陽道院貌清癯不苟

言笑能詩著有蘭皋詩草善書尤工於畫得石谷山人筆意

松陵詩徵傳

沈乾定

沈乾定字健石一字紫冲號退菴長洲縣人中和道院王啓東之曾徒孫也啓東授以老氏書了了如夙習長從杜太史雲川學詩從聽松山人榮璉學畫習道法於訪真吳鍊師並得其傳時妙正真人婁公近垣在都啓東同門也招至京師隨之值大光明殿又學法三年告歸

慎郡王重其道行特書卧松風

三字額及聯軸贈之回院後日惟修真精進暇則煮茗焚香書畫而已晚年廣覓仙佛小像手製髭漆龕座甚精年六十三卒善山水圖畫工篆隸鐵筆亦佳並推于世云

張書勲退菴傳畧

國朝畫識

卷之十六

王端淑

蔡潤石

徐粲

方維儀

楊綦

倪仁吉

吳娟

范珏

黃媛介

陳結璘

王璐卿

吳琪

夏泚

姚淑

周慧貞

孫榛

歸淑芬

吳山

金淑修

范景姒

項佩

周禧

姚亦附

周祐

趙昭

秦昀

堵霞

湯尹嫻

吳綃

張學典

楊慧林

龔靜照

錢宛鸞

錢宛蘭

吳湘

王正

習忍

萬夫人

嚴曾杼

及默

輝冰

柴貞儀

柴靜儀

徐昭華

倪宜子

卞氏

吳宗愛

郭璵

瞿雯

國朝畫識

南匯馮金伯治堂纂輯

嘉善王根寧東圃參訂

王端淑

王端淑字玉映號映然子遂東先生思任女也適錢塘丁肇聖博學工詩文善書畫長於花草疎落蒼秀順治中欲援曹大家故事延入禁中教諸妃主映然力辭之卒年八十餘著有吟紅集

畫徵錄

蔡潤石

黃石齋先生蔡夫人名潤石字玉卿工書法與先生
逼似康熙庚辰春得其楷書律詩一卷稍雜分隸題
云偶寄夏太守時山中聞警崇正丙子秋八月蔡氏
玉卿書于石養山中時多崇正中魔道語蓋先生作
也
居易錄

李少司馬厚菴說黃石齋先生蔡夫人今年將九十
而無恙能詩書法學石齋造次不能辨尤精繪事嘗
作瑤池圖遺其母太夫人云
香祖筆記

徐 粲

徐粲吳縣人海寧陳中堂素菴夫人善寫大士像及
宮粧美人筆法古秀衣紋如蓴葉設色雅淡大得北
宋人傅染意

圖繪寶鑑續編

徐粲吳人海寧相國陳之遴素菴公淑配善畫士女
工淨有度晚年專畫水墨觀音間作花草

畫徵錄

湘蘋善屬文兼精書畫詩餘真得北宋風格絕去纖
佻之習其冠冕處卽李易安亦當避席不獨當代第
一也

林下詞選

墨香按湘蘋一字明深號紫管著有拙政園詩詞

集

方維儀

桐城閨秀方維儀同里姚孫榮妻早寡大歸守志亦
善白描大士像阮亭嘗稱之

畫徵錄

桐城姚夫人名維儀無可大師姑母也酷精禪藻其
白描大士尤工所著清芬集文章宏瞻亞於曹大家
矣陳惟崧婦人集

徐元嘆落木菴集云昨訪江城毛休文子竺塢慧文
菴出其母汝太君畫扇十八面山水草蟲無不臻妙

三百年中大方名筆可與頡頏者不過二三而已近
日聞秀如方維儀之大士倪仁吉山水周禧人物李
因胡淨鬢草蟲花鳥皆入妙品安邱張杞園曾見邢
慈淨髮繡大士極工慈淨子愿之妹又崔子忠青蚓
二女亦工畫

池北偶談

楊芬

楊芬字瑤華維斗季女也母本晉人兼工詩畫姊妹
俱傳其業沈懋華芝光鼓盆後游吳中以詩作合雅
相得也迨館選數年別娶燕姬宜人雖入都殊有白

頭錦字之嘆頗賴詩畫自給有花機集一卷 茅湘客
絮吳羨

倪仁吉

吳之葵妻倪氏名仁吉浦江人能詩善書畫夫病革
矢以身殉夫力阻之且屬以立嗣事姑仁吉含泣順
承時年二十慟絕復蘇事姑猶母撫教爲後之子行
不窺堂衣不易素間以吟咏自適有凝香閣稿 義烏

縣志

女郎倪仁吉義烏人也善寫山水尤工篇什予嘗見

其宮意圖詩云調入蒼梧斑竹枝瀟湘渺渺水雲思
聽來記得華清夜疎雨銀缸獨坐時先考功曾得其
全集 池北偶談

余祖姑素嫺丹青凡景之足娛人意者無不入諸繪
染卽無不形之嘯歌擬諸摩詰畫中詩詩中畫殆不
是過 倪晉騷凝香閣集跋

仁吉工寫山水嘗種方竹於庭以自況也有同志者
斫一竿與之 竹嘯軒詩傳

吳娟

吳娟字麋仙石城人本名家後裔流落不偶卜居金陵之蔣園與林茂之諸詞客相酬和性好游覽曾歷牛首祖堂諸勝各有題詠善作畫工小楷尺牘著有澤居草 有墨堂詩傳

范珏

范珏字雙玉廉靜寡所嗜好一切衣飾歌管艷靡紛華之物皆屏棄之惟闔戶焚香淪茗相對藥爐經卷而已性好畫山水摹仿黃大癡顧寶幢槎枒老樹遠山絕礪筆墨有天然氣韻婦人中范華原也 青溪雜

志

黃媛介

黃媛介字皆令嘉禾黃葵陽先生族女也髫齡卽嫻翰墨好吟咏工書畫楷書仿黃庭經畫似吳仲圭而簡遠過之其詩初從選體入後師杜少陵清麗高潔絕去閨閣畦徑適士人楊世功蕭然寒素皆令黽勉同心怡然自樂也乙酉鼎革家破蹂躪乃跋涉於吳越間困於橋李躓於雲間棲於寒山羈旅建寧轉徙金沙留滯雲陽其所賦述多蔬蕘悲感之辭而溫柔

敦厚怨而不怒既足觀其性情且可以考事變此閨
秀而有林下風者也

無聲詩史

禾中閨秀黃媛介字皆令負詩名數十年爲子畫一
小幅自題詩云懶登高閣望青山愧我年來學閉關
淡墨遙傳縹緲意孤琴只在有無間皆令作小賦頗
有魏晉風致

池北偶談

黃媛介善古詩詞著作甚富楷書摹黃庭經十三行
畫山水小景有元人筆致

國繪寶鑑續集

嘉興黃皆令詩名噪甚恆以輕航載筆格詣吳越間

余嘗見其儼居西冷斷橋頭凭一小閣賣詩畫自活
稍給便不肯作

陳維崧婦人集

媛介秀水文學象山之妹與姊媛貞俱擅麗才媛介
尤有聲香奩間書法鍾王人以衛夫人目之畫亦點
染有致適楊元勳夫婦偕游江湖爲閨塾師以終有
湖上草

稿李詩繫

陳結璘

陳結璘字寶月常熟人孝廉瞿伯申配蘭心蕙質畫
工山水詩有少君風味

圖繪寶鑑續纂

虞山瞿太君陳夫人者以道蘊林下之風邁少君高
世之行宏覽博物含英咀華固已伉儷倡和嚶鳴悅
響矣旁及繪事又能力追宋元出入四大家一一亂
真而所著詩草深得三百篇之遺意有鬚眉才子所
不能道者

王時敏西田遺藁

王璐卿

王璐卿字繡君一字仙嶺江南通州人孝廉馬振飛
配天姿穎異讀書過目成誦所繪禽魚花鳥極工于
歸後勵夫子以讀書脫釵典衣以佐膏火有不足則

篝燈刺繡以繼之每遇花晨月夕輒貫酒爲歡間製
小詩則彼此酬和所著鴛鴦社錦香堂諸集珍諸秘
笥人或不得見焉 春墨堂詩傳

王繡君善丹青詩亦有名嘗記一絕云青草河頭花
正妍綠莎汀畔水連天輕舟載得春多少無數飛紅
到槳邊筆情波媚風調更佳 墨林韻語

吳琪

吳琪字薤仙號佛看世居姑蘇之花岸孝廉康侯女
管勳子嘉室生而穎悟髫齡工詩及笄而能文章尤

精繪事一時女郎脫簪解珮求其片紙者日相望于
歸後兩壁人掩映於鏡光奩影間見者竊嘆爲神仙
下世嗣是繙書賭煮掃黛添香二十年如一日無何
夫死於官室家了不可問葢仙遂薙髮於大張蘭若
名上鑒號輝宗葢不復問人間事云晉墨堂詩傳

茂苑吳葢仙才情新婉當其得意居然劉令嫺矣與
飛卿著有比玉新聲集葢仙尤好大畧精繪染飛卿
贈詩云嶺上白雪朝入室樽前紅燭夜談兵葢實錄
也陳維崧婦人集

墨香按周瓊字羽步一字飛卿吳江人工詩著有
比玉新聲集

夏 沚

無錫閨秀夏湘友名沚與吳琪爲中表姊妹琪五十
初度湘友手製水田衣畫便面以寄之規勸毋浪遊
江北吳果失意悵忿以歸後吳卒湘友經紀其後事
有女俠風 小粉塲雜志

夏沚字湘友無錫薛旣央之繼室也工吟咏間作山
水亦蕭疎有逸致 墨林韻語

姚淑

姚淑字仲淑金陵人庶吉士連州李長祥納爲繼室
有鍾山秀才海棠居集靜志居詩話

李研齋之繼室曰鍾山秀才浮檀梳頭凝粧特妙每
一出游秦淮麗人爭相窺仿其婢墨池性亦明慧秀
才常畫蘭竹池輒侍側宜墨之淡令以口受筆退其
墨李詩云別有香在口莫畏朋支黑吳舫

周慧貞

周慧貞字挹芬尙書周用之裔適嘉興黃某善畫工

詩其稿沈宜修爲序

吳江縣志

孫 榛

嚴廷鏌妻孫榛吳郡人幼明慧嫻經史兼工藻繪早寡寒燈敗帷辛苦四十載晚課女孫輯古媛文百餘首細爲評注曰古文鑿鑑識者以爲可補中壘列女傳汝南典故之缺

江南通志

歸淑芬

歸淑芬字素英高文學陽室也初居花村晚遷香溪北借隱聯吟輯古今名媛百花詩行世有雲和閣集

同里王方伯庭曹侍郎溶爲之序兼工書畫然筆墨
珍惜購之不可多得也 秀水縣志

吳 肫

吳肫字疑眞號冰蟾子華亭人適嘉善曹允明七歲
能讀書長而端靜敏慧女工之隙靡不綜覽雖當操
作未嘗釋卷相夫事姑內外咸稱其賢不以吟咏而
妨所爲詩詞皆工允明居半畝構小西閣梅花繞屋
與冰蟾嘯咏其間尤善繪事烟雲花鳥筆墨生趣人
爭寶之嗣子十經文學婦李玉燕俱能詩一門相繼

可稱盛事著有忘憂草採石篇風蘭獨嘯三集

汪

淑蘋芳集

王煒

王煒字功史又字辰若太倉人太原相國之裔海鹽
陳文學光緯室能詩善畫有燕譽樓稿與光緯偕隱
於婁博學敦古詩多名句顧伊人稱爲笄幃中道學
宿儒不當以香奩目之太倉女子黃若從父自蜀歸
以奇花珍木圖示之日夕模寫致病而歿

構李詩繫

吳山

卞德基附

吳山字昂子江南當塗人適同里卞楚玉琳工筆墨
嗜詩書自歸楚玉頻遭患難轉徙他鄉楚玉中道卽
世無後有長女元文工詩詞次女德基善畫先後嫁
劉峻度孝廉迎昂子於家事如母 晉墨堂詩傳

金淑修

金淑修明隨州牧殉難僧太僕卿徐世淳長子肇森
配善山水局度軒敞有丈夫氣不輕作故流傳甚少
子嘉炎舉康熙己未博學宏詞入史館官至閣學累
贈太夫人 畫徵續錄

太夫人少習書史博通典則知大義有丈夫識短章
尺牘淹雅可觀畫入元人之室三吳閭閻爭傳購之
有合響集行世徐元文金太夫人傳畧

范景妣

吳橋節孝范氏名景妣文忠公景文女弟也好讀書
通經史尤工書畫繪大士像仿李龍眠有冰玉齋詩
若干卷歸同邑王世德二十而寡年三十九卒文忠
撰墓志見集中池北偶談

項珮

項珮字吹聆秀水人文學吳巨手統持內子能詩善
畫喜讀書工詩本以貴族令淑遭難流離與其君子
偕隱荒村諷咏自若可謂安貧樂道白首相莊者著
有藕花樓集 樵李詩繫

周禧 姚亦附

周禧江陰諸生榮起之女也工詩畫片紙殘縑爲人
寶貴 江南通志

元人士女惜花圖叢花片石子昔藏江上女子周禧
惜花春起早一幀似是臨摹此畫 香祖筆記

寒山趙凡夫子婦文淑字端容妙於丹青自畫本草
一部楚詞九歌天問等皆有圖曲臻其妙江上女子
周禧得其本草臨仿亦入妙品禧弟子姚亦江陰人
美而艷作畫得淑遺意池北偶談

周 禧

周祐江陰人文學周榮起之女工花卉國繪寶鑑續纂

趙 昭

趙昭字子惠吳郡寒山隱君女祖母陸卿子母文端

容俱擅詞翰之席子惠能嗣其美適平湖文學馬仲
子班性好烟霞嘗葛衫椎髻自擬道民仲子強之不
克會仲子父難破家子惠遂入空門更號德隱結菴
于洞庭西山中香林匿影二十餘年亦吳越間一奇
女子也有侶雲居遺稿 橋李詩繫

吳中閨秀工丹青者三百年來推文淑爲獨絕無子
一女名昭字德隱適平湖馬氏寫生工秀兼長蘭竹
不愧家學 畫徵續錄

系 則

秦朗金沙王彥汝之女彥汝工爲艷體詩傳寫滿江
左朗有夙慧擅家學歌詩小詞及畫水墨梅花並稱
絕調無錫縣志

秦德澄妻王氏無錫人素承家訓聰慧善吟詠兼工
繪事爲沒骨花鳥於前人規格外自闢畦徑年二十
餘寡居守節自號屨提道人又曰無生子有集三卷
自爲序之江南通志

堵霞

堵霞字綺齋號蓉湖女士梁溪進士伊令堵公女同

邑庠生吳元音室善讀父書博通經史游情繪事凡
作花木禽魚蟬蛭蔬果之類不用落墨并無粉本隨
意點染皆臻神妙喜吟咏兼工蠅頭小楷遇得意輒
信筆題跋其上一時求詩索畫者雜沓填閭巷殆無
虛刻

撫芳集

錫山吳子元音之室堵夫人博學能詩更工寫生花
卉溪得徐熙遺意余嘗爲詩贈之有清才能咏雪妙
筆自生花句夫人乃以顏其芝蘭之室

毛際可安序

堂集

綺齋之詩清婉韶秀高出晚唐有烟霞想無脂粉氣
畫法宋人深造徐黃沒骨化境而艷麗閒雅勝之至
其寫生入微處翩翩韻致出自天然非優柔軟媚鈞
描形似者比真近代所罕觀

同上

湯尹嫻

湯尹嫻字洽君江蘇吳江縣人善天文歷律開方立
方等算工丹青諸生三俊女適同邑計來來卒絕粒
以殉

撫芳集

嫂洽君吾兄僧來配善詩歌填詞畫花卉翎毛其父

俊民家教也 計東改亭集

吳 綃

吳綃字冰仙吳門人觀察許瑤夫人善花卉鉤勒設色俱佳 圖繪寶鑑續纂

吳夫人名綃字素公一字冰仙家世三讓之苗裔歸高陽許氏壬辰進士蘭陵之配幼敏慧好書丹青不去手善繪事每經點綴靈動如生所居墳籍塞坐吟詠清婉吳中閨秀徐小淑能詩文端容善畫一時有盛譽惟夫人兼此二長或謂過之也 葉襄肅雪菴詩

序

張學典

楊无咎繼室張學典字羽仙吳郡徵君端拱女工詩
詞十歲作採蓮賦兼精繪事與无咎窮居偕隱日手
經史教二子繼光繩武皆成名所著有花樵集十餘
卷

江南通志

張氏學典字羽仙徵君端拱女工繪事經名家王忘
菴指授歸楊无咎爲繼室撫前室子女如已出與无
咎窮居偕隱日手經史相辨証爲閨中良友

吳縣志

楊慧林

楊慧林字雲友號林下風杭州人工山水諸墨妙
繪寶鑑續纂

雲友工詩善畫有冬月登隨喜菴因寫斷橋小景志
喜一絕云經年不復見湖山重到西冷載月還風日
何如今日好天應爲我也開顏 墨林韻語

龔靜照

龔靜照字冰輪號鵑紅無錫人進士龔廷詳之女也
適同邑陳生著有永愁人集 擬芳集

鵲紅產名閨工詩畫而抱天壤王郎之怨故詩多悽
斷尤以尊君中翰懷沙之恨每寓詩歌遭時輟軻無
若鵲紅者 慎墨齋詩話

錢宛鸞

錢宛鸞字翔青蘇州人工詩善畫 圖繪寶鑑續纂

翔青美姿容工翰墨風流儒雅擅絕三吳今讀其詩
如魂迷蝶枕三更夢腸斷花箋一紙詩又翠屏斜倚
思無奈夢捉飛花過小橋豈非自爲寫照耶 翠樓集

錢宛蘭

錢宛蘭字卉玉蘇州人宛鸞胞妹適翰林吳宏安能
詩工畫蘭

圖繪寶鑑續纂

吳湘

吳湘字若耶江都人嫁高士范生居湖上善鼓琴作
畫爲士林鑒賞

西湖志

王正

王正字端人江都人善花草布置工穩能詩受業于
徐少宗伯倬後入都馬相國齊延教其女

畫徵錄

端人幼攻書史長嫺詩畫爲閨閣上流一時貴游爭

委禽不得而歸吾友李子若谷琴瑟相調每月白風
清倡酬不輟其秉性澹泊婦德尤爲過人 慎墨齋詩
畫

習 忍

習忍武進人寫生師惲南田法有折枝花冊娟媚雅
潔枝幹花葉均有意致非貌似其師也冊後有南田
跋畫徵錄

嚴曾村

嚴曾村小名繁仁和人顯亭之女善丹青工奕棋適

錢塘沈長益著有素窗遺詠

擷芳集

孺人系出禹航都諫顯亭愛女也生而穎慧女紅之事裁一經目已能自出機杼詩書畧一上口輒能背記會悟嘗拈韻爲小詩工奕又嘗侍外父筆研見作字及花草煙雲亦工點染間遺諸姊妹宛若外父沈長益嚴孺人傳畧

萬夫人

萬夫人徐州萬年少女善書畫乃華亭章給諫冢婦也

圖繪寶鑑續纂

父默

父默字齋季小字墨姑嘉善父丹生山夫之女母曰陸少君生而奇慧九歲能詩刺繡刀尺亦無不入妙兼工小楷畫摹李龍眠白描大士年十六未字母死三日亦卒常愛管夫人畫竹一幅與同卧起并玩好文石子十許枚小白斃罌二器凡零香斷墨殘繪剩繡悉內之棺著有閨隱集構李詩繫

惲冰

惲冰字清于南田之女善花草得其家法名於吳中

適同里某子四人皆傳其學 畫徵續錄

柴貞儀

柴貞儀字如光仁和人茂才黃介看室點染花卉以
及草蟲翎毛無不超神入室 圖繪寶鑑續纂

柴靜儀

柴靜儀字季嫻適同邑沈漢嘉善鼓琴工吟咏著有
凝香室詩鈔亦善丹青有題自畫詩云香閣閒無事
丹青聊自娛移將看黛色寫出遠山圖 墨林韻語

徐昭華

徐昭華字伊璧上虞縣人徐仲山之女也適諸暨駱
加采毛西河先生女弟子著有徐都講詩一卷附刻
西河集中亦工畫

同上

毛西河觀昭華畫障吾郡閨房秀昭華迥出羣書傳
王逸少畫類管夫人紫水和泥染青山帶露皺蝶衣
聯繡裙花片滴朱唇閣上煙雲曉階前草木春
頻對鏡圖作洛川神

毛奇齡西河集

吾越閨秀以詩鳴者湘君雲衣玉映後則徐都講爲
最都講者名昭華字伊璧駱君加采之室也倡隨之

暇雅好蒔蘭因自號蘭癡有素蘭詩四首余嘗和之
而西河集中失載 柳亭詩話

昭華久請試會昭華畫蝶工甚遂命題畫蝶五絕限
東韻昭華立成云云前之一座驚歎予喜爲和詩云
滕王有遺譜拙之深閨中羞殺東園蝶翩翩綠叢
西河詩話

倪宜子

倪仁吉姪女宜子天姿穎異機警靈巧凡琴棋簫管
詩書針黹靡不通曉因所天留燕久而不歸彼從之

遂卒于邸寓 頤芳集

卞氏

三韓卞大中丞永譽女善花草賞家稱其工中丞好
古精鑒著有書畫彙考行世宜其女之工筆墨矣
同上

吳宗愛

吳宗愛字絳雪金華人庠生徐明英室工畫花卉翎
毛人物著色山水亦佳 同繪寶鑑續集

郭 璠

郭璘字璠汝長洲人適顧氏畫學趙文淑花鳥推逸
品同上

羅 震

羅震字雲子無錫人工畫梅同上

余 尊玉

余尊玉字其人善詩畫許字崔氏亦閩巨族同上

國朝畫識

卷之十七

陳書

姜桂

朱柔則

曹鑑亦

張似誼

馬荃

蔣季錫

陳氏

方靜

丁瑜

沈彥選

孔素琰

吳應貞

唐惠淑

俞光蕙

鮑詩

汪亮

毛惠秀

許權

程瓊

周巽

孔麗貞

柏盈鵬

姜宜

閔半霞

張季琬

廖淑籌

方婉儀

王珩

方壽

陳廣遜

顧瑞麟

顧媚以下

蔡含

金玊

董白

陳素素

王曇影

郝湘娥

蔣葦英


妙慧女尼附

卞賽女冠附

卞敏附

倩扶吳媛以下妓女附

豐質



國朝畫識

兩漚馮金伯治堂纂輯

嘉善郁維垣鶴汀參訂

陳書

陳書號上元弟子晚號南樓老人秀水太學生堯勳
長女適海鹽錢止舍綸光善花鳥草蟲筆力老健風
神簡古翁鶴菴先生嘗嘆曰用筆額白陽而適逸過
之間作觀自在關壯繆呂洞賓像上舍家貧好客夫
人典衣鬻飾以供嘗賣畫以給粟米雖屢空晏如也

以長子陳羣貴 誥封太淑人卒年七十有七 畫徵錄

先母陳太夫人善山水人物花樹翎毛各擅所長
上爲親題神品藏內府者甚夥布衣張庚舍弟施南
司馬界從姪元昌觀察維城學士從孫編修載皆受
先慈書法亦如四家之宗衛夫人也 錢陳羣香樹齋
集

姜桂

姜桂字芳華號古硯道人孝廉本渭季女行人孩曾

孫女也父母許張氏子聘未婚張卒桂時年十九聞
訃欲自經父母許其守節乃不死未幾翁姑相繼沒
無可歸矢志於室貞女也通經書善畫山水乾筆疏
秀嘗見其小幅自題云暖風晴日值良辰窗外梅花
數點新更想林泉清淑致山光樹色寫初春又記云
仿元人惜墨法惟舊紙得墨始有氣韻佳紙難覓大
幅更罕茲幀細潔又平拓者再而紙性粹難融化淺
深濃淡頗費經營而筆不達意欲貌似古人而不可
得多愧多愧觀此足以知其學力有所得矣畫徵續

錄

朱柔則

朱柔則字道珠浙江錢塘人詩人沈用濟室用濟爲
紅蘭主人客道珠遙寄故鄉山水圖用濟旋歸一時
傳爲佳話 竹嘯軒詩傳

紅蘭主人題閨秀朱柔則寄外畫卷柳下柴門傍水
隈天桃樹樹又花開應憐夫壻無歸信翻畫家山遠
寄來 玉池生稿

曹鑑冰

曾鑑冰字葦堅號月娥金山縣人適婁縣張殷六張
貧鑑冰授學徒經書以自給能書善繪造請者咸稱
葦堅先生著有清閑吟

續芳集

葦堅曹太君爲葦城十經先生之令媛申浦張君殷
六之德配工詩詞善丹青惜張君之不遇時半世青
瑣而太君怡怡同賡偕老其詩詞清新婉轉媲美古
人雖近世鬚眉宿學有遜謝不敏者

清詩備采

張似謚

張似謚字鸞賓桐城人兵部尙書僖和公女主事姚

文燕配也工書善畫著有保艾閣詩鈔

瀨芳集

馬荃

馬荃字江香扶義孫女工花草妙得家法一葉一花
人爭珍之適常熟某以節重於里江香曾祖父看父
南平皆善寫生蓋四世矣

畫徵續錄

龔充和與妻馬荃俱工書畫求者貴若拱璧家貧偕
至京師以繪事給衣食夫亡歸里緝繡染翰飲冰茹
荼當事重其節爲作節婦傳

江南通志

還香按江香係扶義女逸之妹也

蔣季錫

蔣季錫常熟人南沙相國之女弟適華亭王圖煒工書善畫著有挹清閣集

汪啟淑續芳集

蔣季錫字蘋南文肅公之妹王興吾之母也善花卉今畫偶錄

墨香按蘋南花鳥得馬氏法亦兼學南田其姪女淑字又文爲生得文肅家傳亦歸王氏惜早卒

陳氏

陳孺人號爽軒余齊年黃子鬯圖配也生而穎悟甫

九歲從學於舅氏顧履菴授以楚詞不期月而覆之
不失一字履菴奇之遂教以詩自繡一夫士像懸案
頭無事時則獨坐焚香臨池作字又嘗得渲染法邊
鸞之雀趙昌之花皆隨意輒工而最喜畫秋海棠畧
施丹粉吹氣可活嘗改吟摩詰詩曰前身是畫師今
世非詞客殘箋剩幅得者若經尺珊瑚焉

汪棟傳畧

方靜

方靜字晚香安徽桐城人工詩善寫生嘗寫便面花
鳥祝節孝三姊宋夫人并系以詩曰碧玉桃開二月

天盤根錯節自年年枝頭好鳥青鸞種應與瑤池一
梳傳何分幽翠與芳紅都在春風雨露中階下紫芽
開正好籠人香氣繞簾櫳

墨林韻語

友蘭方大君吾友許君容菴之令慈也爲桐邑明經
公默先生女同懷姊妹有四太君居幼皆負詩名博
通今古太君兼工丹青葢夙慧有根

清詩備采

丁瑜

丁瑜字懷瑾錢塘人父允泰工寫真一遵西洋烘染
法懷瑾守其家學專精人物俯仰轉側之致極工適

同里張鳴年亦善畫畫後續錄

沈彥思

沈彥選嘉興人海鹽俞孝廉鴻德配工花鳥畫後續錄

嘉興沈彥選工花鳥分枝布葉自得異致筆亦不纖
蓋不以斌媚爲工也惜早世未得大成畫後續錄

孔素瑛

孔素瑛字玉田聖裔毓楷女占籍桐鄉適烏程貢生
金某善寫花鳥有機趣能詩有飛霞閣集蘭齋題畫
詩跋共十三卷畫後續錄

素瑛同里金大令尙東寫膠城聚素瑛爲繼室親黨
以令淑稱善畫山水人物畫已卽題佳句能作晉人
小楷具有三絕練音初集詩傳

吳應貞

吳應貞吳江人趙某妻工寫生風神婉約自是閨房
之秀畫徵錄

唐惠淑

唐惠淑字冰心金山縣人唐醇女許字金義綬未嫁
而金卒冰心守貞能文章工書畫年三十一歲汪啓

淑蘋芳集

俞光蕙

俞光蕙字滋蘭海鹽人少司農穎園孫女于殿撰敏
中孚耐圃淑配性好畫年七歲寫折枝花于壁司農
見而異之長受法於錢太夫人陳書太夫人子司冠
司農姪女倩也以親串往來指授自是益進筆致清
穎古秀布置亦大雅乾隆戊辰耐圃視學浙江庚午
春宜人卒於官舍

畫徵續錄

鮑詩

鮑詩字今暉平湖人別駕怡山次女怡山有四女皆
知書善畫能詩徽州老諸生程立昂名之廉者善山
水花鳥來游東湖姊妹從之專學花草傳白陽法也
今暉筆尤長適子族姪徵士雲錦有鶴舞堂小稿一
卷吾亦愛吾廬詩鈔二卷造句幽秀攸縣彭湘南采
入國朝詩選 同上

汪亮

汪亮字映輝號采芝山人柯庭孫女幼喪父聰穎好
學多藝能留心典籍善詩尤好六法私淑清暉老人

輕雋秀潤設色雅淡其一種清逸之致頗覺出塵自得適吳興費氏今移家嘉興 同上

毛秀惠

毛秀惠字山輝江南太倉人諸生主憐室憐娛情畫理不慕榮祿閨中人同此素心讀其詩想見其幽居之樂 竹嘯軒詩傳

先外舅鶴汀先生博洽淹貫爲藝林祭酒畢生心力萃於詩余內子山輝先生之少女也幼敏慧誦習經史過目不忘先生因欲以詩授每謂詩本性情試觀

國風所錄半出閨檐之作苟有得於溫柔敦厚之遺
何患不爲淑媛於是朝披夕諷得於庭訓者有年適
於余余家貧不善治生產讀書隣寺晨出暮歸未嘗
一詢家事凡會計出入及中饋瑣屑務經營拮据悉
出其力不辭瘁故不暇作詩者十有餘年歲乙卯余
館於城北次兒將就傅力不能延師內子口授句讀
課子之暇復理舊業偶有會心發爲吟咏兼好六法
興至點染輒有題句

王樣女紅餘藝跋

許權

宜瑛姓許井陘令兩峯公之孫女也父震皇爲邑諸
生世紹書香生子晚勉效中郎故事以傳愛女錫名
曰權若曰權爲子也字宜瑛生而穎悟鄉上授語孟
孝經等書一再成誦又教唐宋人小詩七歲玩月云
一種月團圓照愁復照歡歡愁兩不著清影上闌干
翁嘆曰是兒清貴惜福薄不厚因舅曹迪公爲予父
母告遂訂姻焉予初魯甚先大父激之曰外慚諸父
內媿閨門諸父皆有詩名而煥才華特著故云煥勤
造作工針刺尤善白描法生三子著有問花樓集

後

談詩宜人德

程瓊

轉華夫人卽安定君欽西溪吳北邵震生之內子程
恭人也名瓊字飛仙同郡休寧率溪人幼見董華亭
書畫眼一編遂能提悟及長書畫算奕無不精敏論
事評理微妙獨絕其神解所徹文字象數皆塵秘也
史震林西清散記

周 巽

周巽字順吉浙江山陰縣人分宜令周開緒之女適

仁和諸生沈一心工書法精繪事著有須曼閣小稿
擷芳集

孔麗貞

孔麗貞字蘊光博士宏興之女太僕卿戴公之兒婦
也精詩書翰墨結禡甫一載夫旋死未幾其同產兄
亦死博士公無子復迎蘊光歸居里第其兄先聘李
氏未成婚矢志不他適蘊先與同事博士翁媼無間
言時有兩家奇節萃於一門之稱顏氏恤緯齋集

柏盈鵬

柏盟鷗字映潭江蘇揚州人善丹青工絲竹著有柏

潭詩鈔

顯芳集

廣陵間秀柏盟鷗乃余友沈中垣之甥女有奇氣於
技藝無所不嫻而尤工於絃索點染丹碧爲山水可
以亂董北苑之真至漁獵家所藏書自四子五經而
外以及古史綱鑑左國秦漢諸子史之類一一皆洞
悉其旨旁及騷雅辭賦無不窮微詣粹日漸月積有
詩成帙頗深自韜晦不肯輕示人

韓矩柏潭詩鈔序

張季琬

張季琬字宛玉別號月鹿侍史閩縣人新安縣河廳
張洪之女適江寧府參軍朱文炳能詩尤工繪事香
草齋詩話

張宛玉題自畫蛺蝶遠遠飛出朱東家春去何心夢
落花描得滕王新粉本小窻只當寫南華擷芳集

廖淑籌

廖淑籌字壽竹長洲尹許遇之子婦禮部郎均妻工
詞翰間寫花竹皆極精緻陳榕門相國以爲不減管
道昇趙文淑風味福州府志

夫人爲饑曹郎許雪村之配本林來齋女繼廖氏者
來齋好古蹟作金石考又拓昭陵碑石文字巍然成
集夫人胚胎前光所爲詩和以莊其音亮而婉文工
畫其寫蘭竹則相國陳文恭以爲不減管道昇趙文
淑風味其與月鹿夫人張季婉合畫則中丞潘敏惠
以爲冷香寒翠冶南雙璧夫人名跡爲名賢激賞如
此吉夢熊侍讀與升集序畧

余與雪村同館閣者三年其內子廖則來齋舅氏女
也詩翰繪事色色精工魏國仲姬未多讓也雍正丙

子臘月大雪予過訪雪村園爐擁雪掃梅花大幅雪
村發餘表姊氏園花筆墨清潤極閨房之韻事
謝道承硯史

姜宜

姜觀察穎新玉峯遺稿序女姪宜字玉峯子弟自芸
女也生而端麗清淑六歲讀女論語毛詩九歲熟楚
詞漢魏六朝三唐詩遂工吟詠自芸善琴宜盡得其
學又延崇川老友湯入林於家授以墨蘭竹石有管
夫人遺法後自芸入翰苑宜家居與弟恭壽磨韻粘

句無虛日如題幼弟文載畫云古木無巢雲作室深山有伴鶴爲童詠秋海棠云剪砒檀心雲片片拋殘紅線夜叢叢自題爲弟壽畫蘭云楚佩分嬰女班香續大家其清新密麗類如此及笄歸錢生標林甫七年而宜卒

如皋縣志

閔半霞

亡婦隴西氏號半霞舅氏醴鄉公女婦未嘗專工六法承舅氏家學之餘偶然弄筆便能一洗畫工脂粉氣曾寫墨菊袖冊贈余題一截於冊末云籬腳斜陽

淡欲無墨雲落紙半模糊繡餘戲借生花筆爲寫秋

山借隱圖

百幅菴畫寄

方婉儀

方婉儀號白蓮居士歙縣人辟墅方石村宗伯之孫女也善畫梅竹蘭花適江都羅聘著有學陸集白蓮

半格詩

汪啓淑類芳集

閨中人方氏婉儀字曰白蓮幼承家學卽工半格詩及歸余室舉案之暇一切綺語屏而不爲梁間燕子簾額游絲亦未嘗作綠窻兒女之言爲入毫素也時

觀余畫寒天梅竹從硯旁指畫頗通逸趣一枝半葉
便能點染墨池有出塵之想 羅聘白蓮半格詩序

杭太史世駿題白蓮女史詩每疑咏絮無全什又怪
簪花少畫名親見夫人擅三絕居然不櫛一書生欲
賦梅花大欠詩何圖林下有風期不知雪腕親濡筆
瘦影疎香寫幾枝詩參三昧畫通神玉雪羅郎迥絕
塵不是月泉吟社客如何修到比肩人 道古堂集

王珩

王珩嘉定縣人王又白之女也適陸定武工丹青著

有蕙隱寫意二稿

擬芳集

方壽

方壽字蓬客號芝仙歷城人善丹青適長青縣庠生
潘可宗著有芝仙草

擬芳集

聞秀方壽比部均堂方君昂之女兄也能詩善丹青
頃見其詠海棠一絕云含煙泣露小樓東脈脈無言
媚晚風好似沈香亭畔醉闌干十二倚嬌紅

水曹清

暇錄

陳廣遜

陳廣遜號靜齋廣東順德縣人善丹青適何宰著有
靜齋小稿 顯芳集

陳君次文司訓海陽寄其女靜齋詩一卷屬序其古
體縱橫有擋柱近體清峭絕不類婦人讀而異之既
從其里人張君葯房聞靜齋事翁姑甚孝與夫子何
君文宰閉戶相倡和有偕隱之風葯房并見何君詩
氣格與靜齋迥異何其難也葯房又云靜齋工畫梅
竹不恆以示人其殆惡世俗之名者與 李文藻靜齋
小稿序

顧瑞麟

焚餘鐫亦昭夫人詩也夫人邢東望族幼能文章工
繪事女紅稱絕而尤長於詩笄年歸任氏五年而孀
平時吟咏甚富自爲未亡人悉取存稿焚之其尊人
與余友善得未燼數章爲之付梓云夫人姓顧氏諱
瑞麟亦昭其字也號角里畸人 擷芳集

顧 嬀

以下
姬侍

顧嬀字省生又名眉莊妍靚雅風度超羣髣髴如雲
桃花滿面弓彎纖小要支輕亞通文史善畫蘭追步

馬守真而姿容過之時人推爲南曲第一家有睂樓
人以迷樓目之是時江南侈靡文酒之宴紅粧與烏
巾紫裘相間座無睂娘不樂而尤艷顧家厨食品以
故設筵眉樓者無虛日未幾歸合肥龔尙書芝麓尙
書雄豪蓋代視金玉如泥沙龔土得眉娘佐之益輕
財好施憐才下士名譽盛於徃時客有求尙書詩文
及乞畫蘭者縑箋動盈篋笥

青溪雜志

顧孌字省生號橫波龔宗伯芝麓妾工墨蘭獨出已
意不襲前人法

畫徵錄

徐夫人識局明拔尤擅畫蘭蕙蕭散樂託畦徑都絕
固當是神情所寄 陳惟崧婦人集

蔡 含

蔡含字女羅吳縣人如皋冒辟疆姬也生而胎素性
慧順好畫兼善山水花鳥禽魚長於臨摹有竹松圖
巨障辟疆作長歌題其上一時名人和之又嘗爲罽
鳳圖題者頗衆女羅歿江懋麟爲之銘墓而諸名士
錫以挽詩亦可以不歿矣 畫徵續錄

蔡含姑蘇蔡孟昭女善山水花鳥人物能于擘紙潑

墨喬松墨鳳尤奇 國繪寶鑑續纂

金珙

辟疆姬人又有金曉珠名珙崑山人居染香閣亦善
畫曾臨高房山小幅得其氣暈時稱冒氏兩畫史 畫
徵續錄

厲太鴻鶚題冒辟疆姬人金圓玉水墨秋葵圖辟疆
自題云余不能飲日看畫此花亦飲醇酒意也余係
以截句云金璫橫欹醉不勝墨痕秋暈一匳外西園
老去佳公子看盡花枝學信陵 樊榭山房集

董白

辟疆有姬人董白字小宛金陵人善書畫通詩史早
卒辟疆作梅影菴憶語悼之 查爲仁蓮坡詩話

陳素素

陳素素江都人自名二分明月女子萊陽姜學在之
姬美而艷能畫又善度曲名流吳園次毛西河余淡
心諸公俱有詩好事者至有譜其事爲秦樓月傳奇
卽此詞也 虎邱綴英志畧

王曇影

王曇影浙江蘭溪縣人隨父寄居廣陵工書蘭善奕
精曉梵典許字劉生青夕爲侍者將次於歸修爾謝
世 圖繪寶鑑續集

郝湘娥

郝湘娥保定人鬻于巨室實眉生家工畫花草人物
同上

蔣蕤英

西冷蔣蕤英石岩係某鉅室小星幼讀書警悟凡技
藝一一涉獵而于琴尤得絕詣善法酷摹董文敏亦

中山故第有女絕世名在南內選擇中未入宮而亂
作軍府以一輶驅之去吾儕淪落分也又復誰怨乎
坐客皆爲出涕柔柔莊且慧道人畫蘭喜作風夜炯
娜一落筆盡十餘紙柔柔承侍研席間如弟子然踰
兩年渡浙江歸於東中一諸侯不得意進柔柔奉之
乞身下髮依良醫保御氏於吳中凡十餘年而卒吳
梅村集

寸敏附

玉京有妹曰敏履而白如玉昉風情綽約見之如立

楷能畫蘭能琴年十八僑居虎邱之山塘所居湘簾
榭几嚴淨無塵雙眸泫然日與佳墨良紙相映徹與
鹿樵一見遂欲以身許尋遇亂別去歸秦淮者五六
年矣久之復東下主於海虞一故人生偶過焉尙書
某公者張具請爲生必致之衆客皆停杯不御已報
曰至矣有頃迴車入內宅屢呼之不肯出身快快自
失不能爲情已而歎曰吾自負之可奈何踰數月玉
京忽至有婢曰柔柔者常隨之著黃衣作道人裝呼
柔柔取所琴來爲生鼓一再行泣然曰吾在秦淮見

中山故第有女絕世名在南內選擇中未入宮而亂
作軍府以一轡驅之去吾儕淪落分也又復誰怨乎
坐客皆爲出涕柔柔莊且慧道人畫蘭喜作風枝烟
娜一落筆盡十餘紙柔柔承侍研席間如弟子然踰
兩年渡浙江歸於東中一諸侯不得意進柔柔奉之
乞身下髮依良醫保鄉氏於吳中凡十餘年而卒吳
梅村集

敏賦

玉京有妹曰敏頤而白如玉昉風情綽約見之如立

水精屏也亦善畫蘭鼓琴對客爲鼓一再行卽推琴
斂手面發頰乞畫蘭亦止寫篠竹枝蘭草二三朵不
似玉京之縱橫枝葉淋漓墨瀦也然一以多見長一
以少爲貴各極其妙識者竝稱之

青溪雜志

倩扶吳媛

附妓女

倩扶華亭人善花鳥工寫意工詩嘗曰占一截調善
書者張星云年少翩翩客風流弱冠初能將畫看意
悟入折釵書同時有吳媛和云風流京兆勝當初昨
夜娥眉入夢餘每看晴山渾黛色倒拈斑管不成書

媛字文青無錫人自號梁谿文史亦善畫有墨荷圖
設色菊花扇兩人並爲吳梅村東山勝招

畫徵錄

豐 質

蘭陽豐質字花妥妙音律善演劇而性度閒雅焚香
鼓琴好畫墨蘭學王冕斯法花葉舒暢瀟灑絕無拘
滯修飾不得以風塵筆墨忽也寓居睢州名甚重陳
其年東侯六叔岱詩云聞說睢州女校書春愁纔妥
上頭初今朝人卧梁王苑歌板糟牀只欠渠忽了悟
卽於睢州從一貧人勤苦作家卒年蓋三十云

同上